

STAY SAFE MN

# Lus Coj Qhia txog Kev Rov Qhib Lag Luam Nyab Xeeb: Cov Nkoj Ntiav Me thiab Nkoj Ntiav Loj



## Keeb Kwm

Qhov laj thawj ntawm tsab ntawv no yog coj qhia thiab cov ncauj lus txog cov kev coj zoo tshaj plaws rau Minnesota cov neeg lis khiav nkoj ntiav me (xws li cov coj neeg mus ncig xyuas thiab nuv ntses) thiab cov nkoj ntiav loj thaum lawv rov qhib thiab lis khiav thoob plaws hauv Xeev Minnesota thaum tseem muaj tus kab mob kis thoob ntiaj teb COVID-19. Cov kev coj qhia tsis muaj feem xyuam rau cov nkoj ntiav me thiab cov nkoj ntiav ncig teb chaws uas muaj chaw nyob dav heev sab hauv lub nkoj thiab muaj cov plus noj haus txhij txhua; cov neeg lis khiav cov hom nkoj ntawd yuav tau mus xyuas [Minnesota \(MN\) Nyob Kom Nyab Xeeb \(Stay Safe Minnesota \(MN\)\) qhov vas sab](#) kom paub cov kev coj qhia tseem ceeb rau cov khw ua noj haus, thiab cov chaw muaj kev lom zem sab hauv tsev thiab sab nraum zoov. Tsab ntawv no tsim muaj los ntawm txoj kev sib tuav tswv yim nrog ntau lub koom haum hauv lub xeev thiab cov lag luam lis khiav nkoj me thiab yog raws li peb txoj kev nkag siab tam sim no txog lub xeev thiab lub teb chaws kev coj qhia. Cov kev coj qhia no yuav:

- Tiv thaiv txoj kev noj qab haus huv thiab kev nyab xeeb ntawm cov neeg qhua, cov neeg ua hauj lwm, thiab cov neeg lis khiav cov nkoj ntiav me thiab nkoj ntiav loj.
- Pab cov neeg lis khiav dej num kom khiav hauj lwm xwm yeem thiab nyab xeeb.
- Muaj cov lus qhia tsis tu ncu a kom cov neeg qhua nkag siab txog yam xav tau.

Cov kev coj qhia hauv tsab ntawv no yog cov tes dej num khiav hauj lwm tsawg kawg nkaus thaum lub caij muaj tus kab mob COVID-19. Xav txhawb kom cov neeg lis khiav dej num kom tsim muaj thiab siv cov kev cai khiav dej num tshwj xeeb kiag rau cov kev tu ncuab thiab ceev nruj cov kev khiav dej num, raws li tsim nyog. Yuav tau muaj cov lus coj qhia ntxiv los ntawm cov nram no (xyuas ntu Cov Chaw Muaj Kev Pab kom tau cov vas sab muaj feem xyuam):

- Cov Kev Cai Yuam
- MN Nyob Kom Nyab Xeeb qhov vas sab
- Minnesota Tuam Tsev Tswj Kev Noj Qab Haus Huv (Minnesota Department of Health) (MDH) thiab Tuam Tsev Tswj Xyuas Cov Xeeb Txawm Nruab Zoo (Department of Natural Resources) (DNR) ua ib ke tsim muaj Cov Kev Coj Qhia Txog Cov Kev Lom Zem Tawm Rooj
- MDH thiab Cov Chaw Tswj Kab Mob (CDC) cov kev coj qhia pab rau laj mej pej xeeb txoj kev noj qab hauv huv

Tsis yuam kom ib tug neeg lis khiav dej num rov lis khiav cov nkoj ntiav me los sis cov nkoj ntiav loj. Cov neeg lis khiav dej num yuav tau npaj kom xyuam ua tau lawv cov dej num mus ntxiv thiab txawj muab kaw, yog tias cov zwj ceeb los sis cov ncauj lus hloov thiab pej xeeb kev noj qab haus huv tsim nyog kom ua.

---

## COV KEV COJ QHIA COV NEEG LIS KHIAB DEJ NUM

Cov neeg lis khiav dej num yuav tsum ua raws cov kev coj qhia nram no thiab tswj xyuas kom muaj kev nyob sib nruj deb, kev tu ntxuav huv si, thiab kev nyab xeeb kom zoo rau cov neeg qhus thiab cov neeg ua hauj lwm.

### Tswj xyuas kev nyab xeeb ntawm cov kev lis khiav cov nkoj ntiav me thiab nkoj ntiav loj

1. **Yuav tsum muaj Lub Tswv Yim Npaj Tawm Tsam.** Ua ntej yuav rov qhib, cov neeg lis khiav cov nkoj ntiav me thiab nkoj ntiav loj yuav tsum tsim muaj thiab nqis tes siv lub Tswv Yim Npaj Tawm Tsam Tus Kab Mob COVID-19 los tswj txoj kev poo raug tus kab mob. Mus xyuas [Kev Coj Qhia Kom Nyob Nyab Xeeb rau Txhua Hom Lag Luam \(Stay Safe Guidance for All Business Entities\)](#) ntawm [MN Nyob Kom Nyab Xeeb](#).
2. **Kev qhib lub chaw thiab cov chav tsev siv.** Cov chaw, cov chav tsev siv, thiab cov kev pab cuam, xws li cov nram no, yuav qhib tau yog tias cov neeg ua hauj lwm thiab neeg qhua muaj peev xwm ua raws cov kev coj qhia nyob sib nruj deb, thiab kom cov neeg ua hauj lwm nqis tes siv tau cov kev tu ntxuav zoo dua thiab muaj cov txheej txheem kev khiav dej num tsis sib chww. Cov neeg lis khiav dej num yuav tau txwv txiav muaj pes tsawg leej los sis kaw tseg qee cov chaw/chav tsev siv no:
  - Cov chav pw, cov chaw rau khoom ti los sis lwm cov chaw kaw ntom hauv nkoj

- Cov chav dej
  - Cov chaw phais ntses thiab chaw nres nkoj
  - Cov chaw lis dej num thiab chaw sib cuag
  - Khoom khiab siv/qiv ua kev lom zem
  - Cov rooj noj haus thiab rooj zaum
3. **Cov kev txwv txiav muaj pes tsawg leej.** Yuav tsum txwv txiav tsis kheev muaj neeg coob tshaj kom nyob sib nrug deb rau xib taws nyab xeeb, xam tag nrho cov neeg ua hauj lwm hauv nkoj thiab cov neeg caij nkoj. Yog tag nrho cov neeg caij nkoj yog tib yim neeg, lub nkoj ntiav me los sis lub nkoj ntiav loj yuav ntim tau neeg puv raws cai/puv txaus lub nkoj.
4. **Kev Ntim/Kev Tso Tawm Neeg.** Cov txheej txheem ntim thiab tso tawm neeg rau nkoj yuav tsum raws nkaus li tag nrho cov kev cai nyob sib nrug deb uas teev los ntawm MDH thiab CDC cov kev coj qhia.

## **Kev tswj xyuas cov kev sib txuam ua ke ntawm cov neeg qhua thiab cov neeg ua hauj lwm**

1. **Neeg qhua cov kev sib txuam.** Kom txo tsawg tau npaum li tsawg tau, muaj thiab txhawb txoj kev them nqi saum huab cua rau cov kev cooj nkoj, cov nqi muas ntawv tso cai nuv ntses hauv xeev, cov nuj nqis thiab tej kev muas khoom los sis lwm cov khoom muas. Qhov no yuav txo tsawg cov kev sib chwv ntawm neeg qhua thiab neeg ua hauj lwm yog tshem tawm txoj kev yuav tau kos npe, sib cev nyiaj, thiab tej yam li ntawd.
2. **Kev qhuab qhia neeg ua hauj lwm.** Tag nrho cov neeg ua hauj lwm yuav tsum tau muaj kev kawm cov tswj yim daws teeb meem kab mob COVID-19 nrog rau txoj kev nquag ntxuav tes thiab ntxuav kom huv si, kev cai ua pa (xws li npog thaum hnoos thiab txham), qhov laj thawj thiab tswv yim looj cov khwb ntsej muag, tsuag tshuaj rau tej npoo, nro rau lwm cov kev cob qhia los ntawm MDH thiab CDC txog kev nyob sib nrug deb thiab kev nyab xeeb.
3. **Cov khoom tiv thaiv tus kheej.** Muaj cov khoom tiv thaiv neeg ua hauj lwm xws li cov hnab tes, cov iav thaiv qhov muag, cov phiaj thaiv ntsej muag thiab cov ntaub khwb ntsej muag kom tsim nyog rau hom tes luag num uas yuav ua.
4. **Ua raws cov kev tswj kom looj cov npog ntsej muag.** Pib txij li lub Xya Hli Ntuj Hnub tim 25, 2020, cov pej xeeb hauv Minnesota yuav tsum tau looj daim ntaub npog ntsej muag thaum mus rau tag nrho cov chaw lag luam sab hauv tsev thiab cov chaw sab hauv tsev uas pej xeeb huab hwm mus rau raws li Txoj Cai Yuam (Executive Order) 20-81. Ntxiv mus, cov neeg ua hauj lwm yuav tsum looj cov ntaub npog ntsej muag thaum ua hauj lwm nyob rau sab nraum zoov uas tsis muaj kev nyob sib nrug deb tau.
  - Txoj Cai Yuam (Executive Order) muaj cov kev zam rau cov tib neeg uas tsis muaj peev xwm looj tau los sis tiv tsis taus daim ntaub npog ntsej muag vim yog ib yam kab mob kev nkeeg los sis kev puas siab ntsws puas hlwb los sis muaj lwm cov laj thawj. Puav leej

muaj lwm qhov zwj ceeb uas hle tawm tau cov ntaub npog ntsej muag ib pliag los sis cov chaw uas tsis yuam kom muaj ntaub npog ntsej muag. Piv txwv, tib neeg hle tau daim ntaub npog ntsej muag tib pliag thaum lawv nthuav qhia tus kheej, noj haus los sis sib tham nrog ib tug neeg lag ntseg los sis tsis hnov lus zoo.

- Xav txhawb heev kom looj cov ntaub npog ntsej muag, tiam sis tsis yuam, rau cov tib neeg uas mus koom nrog cov kev ua si lom zem tawm rooj thaum twg tsis muaj kev nyob sib nruag deb tau los sis tswj nyuab.
- Cov ntaub npog ntsej muag **hloov TSIS TAU txoj kev nyob sib nruag deb.**
- Xav paub ntxiv mus xyuas [Txoj Cai Yuam 20-81 Kev Yuav Tsum Looj Ntaub Npog Ntsej Muag thiab Cov Kev Pom Zoo \(Face Covering Requirements and Recommendations\)](#) thiab [MDH Cov Khwb Ntsej Muag thiab Khoom Tiv Thaiv Tus Kheej \(Facemasks and Personal Protective Equipment\) \(PPE\)](#).

5. **Cov ncauj lus xwm yeem.** Cov neeg lis khiav dej num yuav tsum tsim muaj thiab npaj txhij cov ncauj lus xwm yeem qhia rau cov neeg qhua txog kev nyob sib nruag deb, cov kev kaw tej chaw, cov kev txwv txiav muaj pes tsawg leej nyob hauv lub nkoj los sis qhov chaw thiab cov kev xav tau ntawm cov neeg qhua txoj kev coj yam ntxwv. Cov neeg lis khiav dej num yuav tsum siv cov ncauj lus no thaum twg lawv tsim ua lawv cov paib rhais, tshaj tawm ncauj lus rau cov vas sab, kev sau ntawv email rau cov neeg qhua, thiab ntawm lwm cov kev sib txuas lus nrog laj mej pej xeem. Qee cov chaw muaj kev pab tau zoo yog xws li cov nram no:

- [MDH Cov Khoom Siv thiab Cov Chaw Muaj Kev Pab](#)
- [CDC Cov Kev Pab Sib Txuas Lus](#)

6. **Nyob kom sib nruag deb.** Tus tswv/cov neeg lis khiav dej num yuav tsum teeb muaj cov kev caij nyob sib nruag deb ntawm cov chaw ti xws li cov chav pw, cov chaw rau khoom ti, cov chaw tuav khoom me, cov chav dej thiab cov chav nyob so, thiab yuav tsum tsim muaj cov paib rhais thiab txheej txheem (rhais chij qhia yog muaj neeg siv lawm) txwv txiav muaj neeg pes tsawg leej thaum twg tsis muaj peev xwm nyob sib nruag deb tau ntawm cov chaw zoo li no. Cov neeg caij nkoj thiab cov neeg ua hauv lwm hauv nkoj yuav tsum xyeej txoj kev sib cev los sis sib qiv cov pas nuv ntses npaum li xyeej tau tshwj tsis yog yeej muab tu ntxuav tom qab ib tug neeg siv tag. Yuav tsum nyob sib nruag deb thaum ua cov dej num xws li chob kab nunv ntses thiab xuas pob tawb cug ntses.

7. **Rhais paib qhia.** Yuav tsum rhais cov paib qhia rau neeg qhua, ntawm qhov chaw tsim nyog rau cov neeg qhua, kom txhawb rau cov nram no:

- Nyob sib nruag deb rau xib taws los sis deb dua ntawm cov tib neeg, tshwj xeeb yog ntawm cov chaw uas tib neeg nquag sib txiv mus rau.
- Cov kev txwv txiav muaj pes tsawg leej rau qee cov chaw hauv cov nkoj (cov chaw muaj chav dej, cov chav pw, thiaj tej chaw li ntawd).
- Cov kev tu ntxuav rau cov tib neeg kom ua raws ua ntej thiab tom qab siv tag cov chav tsev thiab chaw uas neeg qhua siv.

- Cov kev coj qhia txog kev noj qab haus huv ntawm COVID-19, xws li nyob twj ywm hauv tsev thaum mob, npog thaum hnoos thiab txham, nquag ntxuav tes, looj daim ntaub npog ntsej muag tiv thaiv lwm cov neeg, thiab xyeej txoj kev chwv koj lub ntsej muag.
8. **Kev ntsuas tus kab mob COVID-19.** Cov neeg lis khiav yuav tsum ntsuas tus kab mob COVID-19 ntawm tag nrho cov neeg ua hauj lwm ua ntej yuav pib ua hauj lwm. Txoj kev ntsuas yuav tsum muaj tag nrho cov nqe lus nug ntawm [MDH Kev Ntsuas Neeg Tuaj Xyuas](#) thiab Neeg Ua Hauj Lwm (Visitor and Employee Health Screening Checklist), uas muaj nyob rau ntawm [MDH qhov vas sab](#) uas luam tawm tau ua cov hom Lus Askiv, Lus Hmoob, Lus Xausmavlim thiab Lus Mev. Tus neeg ua hauj lwm uas muaj cov kev mob tshwm sim zoo xwb li tus kab mob COVID-19, los sis nyob nrog ib tug neeg los yog tau nyob ze nrog ib tug neeg uas muaj cov kev mob tshwm sim zoo xws li tus kab mob COVID-19, yuav tsum tau tshab xyuas txog CDC [cov lus Yog Tias Koj Mob los sis Tu Xyuas Ib Tug Neeg \(If You Are Sick or Caring for Someone\)](#) thiab nyob twj ywm tom tsev. Tus neeg ua hauj lwm yuav tsum xyuas [MDH cov kev coj qhia](#) seb thaum twg thiaj li nyab xeeb rov mus ua tau hauj lwm. Xav txhawb kom cov neeg lis khiav tsim muaj cov kev cai ntsuas cov neeg tuaj xyuas uas siv tib co nqe lus nug thiab cov txheej txheem thiab kev tuav tswv yim.

## Tswj xyuas cov kev tu ntxuav tshiab

1. **Cov kev tu ntxuav.** Cov neeg lis khiav nkoj ntiav me los sis nkoj ntiav loj yuav tsum tsim kom muaj cov kev cai tu ntxuav raws MDH thiab CDC cov kev coj qhia. Tshwj xeeb, rov xyuas txog [MDH Kev Coj Qhia rau Cov Tswj thiab Tswv Tsev Txais Tos Qhua \(Interim Guidance for Hotel Managers and Owners\)](#), [CDC Kev Coj Qhia Tu Ntxuav thiab Tua Tshuaj Rau Koj Lub Chaw \(Guidance on Cleaning and Disinfecting Your Facility\)](#) thiab [CDC Cov Chaw Muaj Kev Pab rau Cov Lag Luam thiab Cov Chaw Ua Hauj Lwm \(Resources for Businesses and Workplaces\)](#).



Ntxiv mus, cov neeg lis khiav lub nkoj ntiav me thiab nkoj ntiav loj yuav tau:

- Rhais cov paib qhia xov xwm txog cov kev tu ntxuav kom cov neeg qhua pom thiaj li paub tias yuav xav kom ua li cas (xws li cov chav dej yuav qhib rau cov neeg qhua siv thiab yuav muab tu ntxuav ## zaus ib hnuv twg).
- Txo kom tsawg tau ntau npaum li ntau tau txoj kev sib qiv siv cov khoom cuab yeej thiab tswj xyuas kom nquag muab cov khoom cuab yeej ntxuav thiab ntxuav kom huv huv. Kev tu ntxuav “cov khoom muag,” xws li cov tsho hnav cawm siav hauv dej, yeej yuav muaj kev cov nyom. Siv cov txheej txheem kev tu ntxuav tau zoo los sis muaj “sij hawm so tsis siv” mus txog 72 teev los sis ntev dua tom qab siv ib zaug twg tag thiaj txo tsawg tau txoj kev kis tus kab mob COVID-19.
- Muaj cov kev tu ntxuav thiab tsuag tshuaj txhua zaus mus ib lwm los thiab txhua teev twb (xws li cov chaw ua hauj lwm, cov khoom cuab yeej siv, cov ntxaij, cov pob qhov rooj, cov chav dej).
- Muaj cov chaw ntxuav tes thiab kev tswj xyuas nyob rau ntawm lub chaw raws li nram no:

- **Rau txoj kev ntxuav tes:** tshuaj xub npum, dej khiav sis, thiab cov ntawv so tes siv tag pov tseg.
  - **Rau cov tshuaj pleev tes:** lub tshuaj pleev tes uas muaj tsawg kawg yog 60% cawv txuam nyob rau tej chaw uas tsis muaj kev ntxuav tau tes los sis ntxuav tsis tau tes.
2. **Cov khoom cuab yeej tshwj xeeb.** Tsuas yog cov neeg ua hauj lwm hauv nkoj thiaj li yog cov kov tau tag nrho cov khoom cuab yeej tshwj xeeb xws li cov pob tawb ntxaij thiab cov nqe lauj nuv ntses, tshwj tsis yog cov uas neeg qhua nqa tuaj.
  3. **Cov khoom cuab yeej nuv ntses thiab lwm cov khoom sib qiv siv.** Yuav tsum muab cov khoom cuab yeej nuv ntses tu ntxuav tom qab neeg ua hauj lwm siv tag. Txwv txiav txoj kev sib qiv siv npaum li tsim nyog txwv tau.
  4. **Cov tsho hnav cawm siav hauv dej thiab lwm cov khoom muag mos uas txuam muaj.** Yuav tsum tu ntxuav cov tsho hnav cawm siav hauv dej thiab lwm cov khoom muag mos uas txuam muaj (xws li, cov khaub ncaws tiv nag, cov hauv ncoo rooj tog, thiab tej khoom zoo li ntawd) tom qab siv ib lwm tag. Faj seeb tias yuav tau ncuav 72 teev twg ntawm qee cov khoom mos muag tom qab siv tag thiaj li txo tsawg tau teeb meem. Xyuas [Koom Txoos txog Kev Caij Nkoj Nyab Xeeb \(Safe Boating Campaign\)](#) qhov vas sab kom paub meej ntxiv

---

## Cov kev coj qhia rau cov neeg qhua

Txoj kev muaj cov lus qhia tsis tu ncuav yuav pab rau cov neeg qhua kom txawj npaj tswv yim thiab npaj txhij rau thaum lawv tuaj. Cov neeg lis khiav nkoj ntiav me thiab nkoj ntiav loj yuav tsum tswj xyuas kom lawv cov neeg qhua txais tau cov xov xwm no. Cov kev qhia tawm cov xov xwm yog siv tau cov kev sib raug zoo saum huab cua, cov ntawv tshaj xo, cov ntawv e-mail sau rau cov neeg qhua, thiab cov paib rhais ntawm lub chaw, nrog rau lwm cov tswv yim.

Thaum mus koom caij cov nkoj ntiav me thiab nkoj ntiav loj, cov neeg qhua yuav ua raws li cov kev coj qhia nram no:

1. **Tuav tswv yim ua ntej.** Thaum twg yog muaj, cooj chaw ua ntej thiab muas cov khoom saum huab cua los sis hauv xov tooj ua ntej koj mus txog qhov chaw. Cov kev siv nyiaj ntsuab tsawg thiab txo tsawg cov kev sib chww yog txoj kev nquag siv nyob rau hauv ntau cov chaw kom xyeej tau txoj neeg sawv ua kab sab thiab neeg sib txuam ua ke. Qhov no yuav pab tiv thaiv koj, lwm cov neeg qhua thiab cov neeg ua lis khiav dej num.
2. **Npaj kom muaj txhij txhua rau tus kheej.** Npaj kom muaj txhij txhua rau tus kheej thiab pab tau tus kheej npaum li npaj tau. Piv txwv, nqa kom muaj tshuaj xub npum, cov khoom tu ntxuav tej npoo, ntaub npog ntsej muag, thiab tshuaj pleev tes rau koj tus kheej. Xam txog txoj kev ntim su, nqa cov khoom txom ncauj thiab cov dej haus tom tsev tuaj.



3. **Nrug tus kheej kom nyob sib deb.** Cov neeg caij cov nkoj ntiav me thiab nkoj ntiav loj yuav tsum nyob kom sib nrug deb tsawg kawg yog rau xib taws ntawm cov neeg uas tsis nyob kiag ua ib yim.
4. **Ua raws cov kev tswj kom looj cov npog ntsej muag.** Pib txij li lub Xya Hli Ntuj Hnub tim 25, 2020, cov pej xeeb hauv Minnesota yuav tsum tau looj daim ntaub npog ntsej muag thaum mus rau tag nrho cov chaw lag luam sab hauv tsev thiab cov chaw sab hauv tsev uas pej xeeb huab hwm mus rau raws li Txoj Cai Yuam (Executive Order) 20-81. Ntxiv mus, cov neeg ua hauj lwm yuav tsum looj cov ntaub npog ntsej muag thaum ua hauj lwm nyob rau sab nraum zoov uas tsis muaj kev nyob sib nrug deb tau.
  - Txoj Cai Yuam (Executive Order) muaj cov kev zam rau cov tib neeg uas tsis muaj peev xwm looj tau los sis tiv tsis taus daim ntaub npog ntsej muag vim yog ib yam kab mob kev nkeeg los sis kev puas siab ntsws puas hlwb los sis muaj lwm cov laj thawj. Puav leej muaj lwm qhov zwj ceeb uas hle tawm tau cov ntaub npog ntsej muag ib pliag los sis cov chaw uas tsis yuam kom muaj ntaub npog ntsej muag. Piv txwv, tib neeg hle tau daim ntaub npog ntsej muag tib pliag thaum lawv nthuav qhia tus kheej, noj haus los sis sib tham nrog ib tug neeg lag ntseg los sis tsis hnov lus zoo.
  - Xav txhawb heev kom looj cov ntaub npog ntsej muag, tiam sis tsis yuam, rau cov tib neeg uas mus koom nrog cov kev ua si lom zem tawm rooj thaum twg tsis muaj kev nyob sib nrug deb tau los sis tswj nyuab.
  - Cov ntaub npog ntsej muag **hloov TSIS TAU txoj kev nyob sib nrug deb.**
  - Xav paub ntxiv mus xyuas [Txoj Cai Yuam 20-81 Kev Yuav Tsum Looj Ntaub Npog Ntsej Muag thiab Cov Kev Pom Zoo \(Face Covering Requirements and Recommendations\)](#) thiab [MDH Cov Khwb Ntsej Muag thiab Khoom Tiv Thauv Tus Kheej \(Facemasks and Personal Protective Equipment\) \(PPE\)](#).
5. **Ua raws cov kev cai.** Ua raws tag nrho cov kev cai thiab kev qhia siv, txawm yuav yog sau ua ntawv los sis hais ua lus, uas yuav tiv thaiv tau koj thiab lwm cov neeg txoj kev nyab xeeb. Cov kev qhia no yuav muaj feem xam nrog cov kev qhia tshwj xeeb kiag rau lub chaw txog tej yam xws li:
  - Cov txheej txheem nce thiab nqis nkoj
  - Cov kev cai sib qiv khoom cuab yeej
  - Cov kev coj qhia kev nyob sib nrug deb
  - Lwm cov kev cai tshwj xeeb rau tus neeg lis khiav nkoj me thiab nkoj loj
6. **Ras paub zoo.**
  - Mus xyuas [MN Nyob Kom Nyab Xeeb](#) thiab [MDH cov kev coj qhia](#) kom tau cov xov xwm thiab tswv yim pab koj tus kheej, koj lub tsev neeg thiab lub zej zog txoj kev noj qab haus huv.
  - Mus xyuas [Kev Coj Qhia Kom Nyob Nyab Xeeb rau Cov Lag Luam Muaj Kev Lom Zem Tawm Rooj](#) kom paub cov Kev Coj Qhia Txog Kev Lom Zem Tawm Rooj.

---

## Cov chaw muaj kev pab

MDH Cov Khoom Siv thiab Cov Chaw Muaj Kev Pab –

<http://www.health.state.mn.us/diseases/coronavirus/materials/index.html>

MDH Cov Xov Xwm Tshiab Txog Tus Kab Mob Coronavirus hauv 2019 –

[www.health.state.mn.us/diseases/coronavirus/index.html](http://www.health.state.mn.us/diseases/coronavirus/index.html)

CDC Cov Kev Pab Sib Txuas Lus – [www.cdc.gov/coronavirus/2019-ncov/communication/factsheets.html](http://www.cdc.gov/coronavirus/2019-ncov/communication/factsheets.html)

Xeev Minnesota Kev Ntsuas Saum Huab Cua – [mn.gov/covid19/for-minnesotans/if-sick/is-it-covid](http://mn.gov/covid19/for-minnesotans/if-sick/is-it-covid)

MDH Kev Coj Qhia rau Cov Tswj thiab Tswv Tsev Txais Tos Qhua –

[www.health.state.mn.us/diseases/coronavirus/lodgingcleaning.pdf](http://www.health.state.mn.us/diseases/coronavirus/lodgingcleaning.pdf)

CDC Kev Coj Qhia Tu Ntxuav thiab Tua Tshuaj Rau Koj Lub Chaw – [www.cdc.gov/coronavirus/2019-ncov/community/disinfecting-building-facility.html](http://www.cdc.gov/coronavirus/2019-ncov/community/disinfecting-building-facility.html)

CDC Cov Chaw Muaj Kev Pab rau Cov Lag Luam thiab Cov Chaw Ua Hauj Lwm –

[www.cdc.gov/coronavirus/2019-ncov/community/organizations/businesses-employers.html](http://www.cdc.gov/coronavirus/2019-ncov/community/organizations/businesses-employers.html)

Koom Txoos txog Kev Caij Nkoj Nyab Xeeb Qhov Vas Sab (Safe Boating Campaign Website) –

[safeboatingcampaign.com/news/covid-19-cleaning-and-storing-your-life-jacket/](http://safeboatingcampaign.com/news/covid-19-cleaning-and-storing-your-life-jacket/)

Minnesota DNR thiab MDH Cov Kev Coj Qhia Kev Lom Zem Tawm Rooj –

[dnr.state.mn.us/aboutdnr/covid-19-outdoor-recreation-guidelines.html](http://dnr.state.mn.us/aboutdnr/covid-19-outdoor-recreation-guidelines.html)

Xeev Minnesota Cov Cai Yuam – [mn.gov/governor/news/executiveorders.jsp](http://mn.gov/governor/news/executiveorders.jsp)

MN Nyob Kom Nyab Xeeb – <https://staysafe.mn.gov/>

Xov Xwm rau Cov Tib Neeg thiab Cov Tsev Neeg – <https://staysafe.mn.gov/individuals-families/index.jsp>

Xov Xwm rau Cov Lag Luam thiab Cov Koom Haum – <https://staysafe.mn.gov/industry-guidance/index.jsp>

Teb Chaws Asmeska Fab Ceev Ciam Dej Cov Xov Xwm Txog COVID-19 (US Coast Guard COVID-19 Information) – [www.uscg.mil/coronavirus](http://www.uscg.mil/coronavirus)

Teb Chaws Koom Haum Tswj Kev Caij Nkoj Nyab Xeeb Kev Tu Ntxuav Tsho Hnav Cawm Siav Hauv Dej (National Safe Boating Council Life Jacket Sanitation) Cov Kev Pom Zoo –

[safeboatingcampaign.com/news/covid-19-cleaning-and-storing-your-life-jacket/](http://safeboatingcampaign.com/news/covid-19-cleaning-and-storing-your-life-jacket/)



Minnesota Department of Natural Resources | [mndnr.gov](http://mndnr.gov) | 651-296-6157  
500 Lafayette Road, St. Paul, MN 55155

Mus cuag.dnr@state.mn.us thov kom tau lwm hom ntaub ntawv.

07/27/2020

8 ntawm 8